



14
1544
149



14
1544
199

童山詩集卷四十

緝州李調元雨村

庚申下

聞萬卷樓火和潘東菴三十韻 并序

謂元家世藏書有樓五楹各曰萬卷分經史子
集四十厨內多宋堊抄本尤駭四月初六日破
土賊火焚余時在成都聞之一慟幾絕曰燒書
猶燒我也友人潘東菴用為起句作詩三十韻
見念因和成采書詩一首

燒書猶燒我亦有書不在譬如良友沒一櫥百事廢我

童山詩集卷四十

童山詩集卷四十

綿州李調元雨村

庚申下

聞萬卷樓火和潘東菴三十韻 并序

調元家世藏書有樓五楹名曰萬卷分經史子
集四十厨內多宋塹抄本尤夥四月初六日被
土賊火焚余時在成都聞之一慟幾絕曰燒書
猶燒我也友人潘東菴用爲起句作詩三十韻
見念因和成哭書詩一首

燒書猶燒我予存書不在譬如良友沒一慟百事廢我

欲臨其穴其奈寇未退不如招魂來夢寐相晤對我聞
古人言物聚於所愛借書固一癡積書亦癡態平生作
宦囊盡化飛灰碎亦思早遷移萬牛不能載潘子同心
人知我難忍耐作詩來相唸真語去雕績本欲開予懷
翻益胸蔽塞叶胡不止燔廬無廬犬可吠胡不焚我身
我身有玉佩胡不燔妻孥其家本賣菜胡不傷我嗣有
孫堪負耒如何火吾書一炬似一列無數古聖賢飛昇
引成隊亦有羣仙妹騰空猶綠黛君詩誠愛我恕字母
乃礙不欲則勿施撫躬思請再我笑雖願解我泪已垂
內自詡頗達觀到此復愚昧問天我何辜天高不聞吼

問地我安居地默言難代恨不排雲漢早決天河潰擊
之以雷霆沐之以沆瀣剗出祖龍心祭起羲黃輩人生
莫讀書書狀實穢穢不能割賊胸但解背詈詈哭罷天
亦愁白日變陰晦

附

廣東陽山縣知縣潘元音東莞華陽

燒書猶燒我我存書白在我若不存時書豈無與廢
書今辭我去有如賓告退賓雖返其廬精靈自酬對
方將吐其渣方將公其愛自抒所發揮一一出新態
有似陶冶工不借諸零碎鎔化爲一身何異五車載
著作况等身君胡不自耐我聞天祿閣藜光照藻績

又如二酉函高若雲中塞除却六經餘百家皆犬吠
 或為糟粕陳或為美玉佩或如工持斤或如農負耒
 鄙之覆醬醜售之等備菜流則為異說刪則如鉅刈
 蚌鳴與蟬噪各自成一隊朝華與夕萎不過工粉黛
 離却固不可盡信毋乃礪煌煌祖龍火經今豈止再
 獻焚蜀王書幾曾留庫內有幸有不幸茲理真茫昧
 李杜擁萬軸悲歌雜慷慨韓蘇稱潮海胸中羅百代
 未及身沒時散失如兵潰幸存惟什一朝露等沉滯
 君如仗書存君能禁奴輩書如俟君壽書亦真襍襍
 我為進一解萬卷休話許世事類如此日月有明晦

附

丹徒嚴學淦 齋生

類書咄咄空無復某某在文字亦何讎與人共興廢
 初聞枉矢流猶冀熒惑退還君舊琴書坐擁樂茂對
 何意六丁虐妬極奪所愛莫遏蛟螭光忽走蜿蜒態
 堆同玉石焚大比山嶽碎轉瞬一炬燒當時十艘載
 此劫空餘灰欲哭不可耐天有娜嬛洞標籤列錦繡
 地有宛委文金簡披衡塞夫何天狗星獨嗾文昌吠
 我欲放厥辭大聲憂瓊佩舉旗空裂裳厲刃早脫耒
 但覺室如磬相見色皆菜生聚無所容姦究習斬刈
 蟻聚復蜂屯趾盪儼成隊羅江白翻波童山赤銷黛

傷哉萬卷樓屹然觸志礙蹴踏卽摧燒蕩然不煩再
應有風雷聲騰踔萬丈內驚心每眩搖失望若膏昧
似喪老成人擊節發長嘸恨無荒陋儒自身爲之代
倘能緝凋殘可否收散潰茹苦如蓼荼味甘失沆瀣
豈獨先生傷懊惱及吾輩傳癖與書淫不如一襤襪
翻悔從前愚捫心自詎諄愁霖暗不開空庭坐陰晦

和吳壽庭先生見題續集原韻

自我走險來成都急何能擇頗似鹿丈人屋上烏雖好
爰止不知究誰屋惟新觀察吾故人展謁不暇脫山服
覽君聞我進城詩千古知心歎君獨就中難別惟書樓

老眼尙未詳加矚昨朝家信報火焚使我淚咽不能讀

適逢庵蓋降蓬門相對唏噓淚重續從來世事皆闕數

余前和君詩有樓中酒別書千卷句今君題詩尙未得
信而詩中已有拋却書樓不再讀句乃知皆談語也

理有循環思爛熟匹夫懷璧乃其罪不貪爲寶安用玉
多文雖非璧玉同亦有富名禍所伏况兼文字覩天巧
造物所忌撐腸腹如今內外空空如休題貯書首西蜀

附

署鹽茶道

吳樹萱詩

先生何師師造化先生何友友麋鹿巾履不作時世
裝花柳深眠高士屋始康一見別五年笑我冰衡換
豸服出門摩蓋厭喧闐想望先生寤歌獨左綿江水

千里長欲往從之曠遐矚忽聞寇警逼巴西拋却書樓不再讀驅之驅之入錦官詩逋未了今應續從來文字有奇緣鞀鼓聲中唱酬熟五十日成一卷詩大半龕詞爲引玉來歷不肯一字無英雄膽大首偏伏此意坊諸後輩人莫漫空嘲邊老腹我今一讀一服膺又添槩本留西蜀

和嚴麗生

學滄

吊書長短歌原韻

我朝文教光燭天宏開四庫乾隆年弟兄中秘我畿輔秘書鈔錄兼雕鐫攜歸歲月寬如此偏欲學蜂鑽故紙今遭烈焰休顯天正坐貪書不知止我聞秦有阿房金

屋藏美女玉帛來六王楚人一炬成焦土虐甚嬴政焚文章又聞宋有艮嶽饒花石二帝遠去沙漠北金人一火宮殿紅至今汴梁土如墨此皆珍寶汗牛充毋怪火聲如水洶堯亦出十日舜亦有四凶口不敢言心敢怒何必毒怨新祖龍况止縹緲付一燼無非先進與後進過眼如雲烟垂帛誰相憐梁元帝見貯書處萬卷圖書焚乃去蜀秀才亦藏書人自經獻焚無王署灰不復燃何處尋豈仍一字能千金望烏龍兮短氣問松楸兮痛心朝隱几兮頽似病暮投牀兮夢若瘖從此日面壁腹筍何處覓東鄰亦有儲粟倉紅朽如燎安可當如何熒

惑所照偏無光西家亦有防身鉞踰垣豈不懼戕骨如
何祝融到彼忽焉沒書本吾家龍領珠焚珠亦何睡斯
須從此南村少顏色困園四岸皆成枯

附

丹徒嚴學淦 麗生

鐵畫畫破鴻濛天上古鬼哭三千年精誠交通百怪
入剗刻造化窮雕鐫一盈一虛物生死生作靈光死
敗紙天運驚看劫火燒赤燦烈烈收難止樓中萬卷
先生藏聚帙遠過湘東王指讓邃古及當代雲漢上
麗為天章殺機忽動天西北盜賊何知重文墨熹陟
下及王世充千百厲鬼隨洶洶殺人伎倆毒益厚鬪

到死魄心尤凶英魂地下盡一泣禿筆萬塚徒雕龍
我欲空山抱灰燼弔爾不如石渠東觀之書天祿進
我欲過眼稱雲烟羨爾不為紅蟬白蠹飽食無人憐
風災鬼難不到處兵火無端攫之去不許人間拜小
侯得毋天上開郎署靈墟秘閣空追尋先生在藏書多
有秘本未付
梨棗者尤
可惜也物色幾費雙南金黃金散盡不足惜獨惜
一片搜羅心宜尼無言良有以捧喝萬世當龔瘖爭
似伏生壁藏書猶可覓恨無曹氏倉石屋堅城當書
癡不免市人笑奎壁欲避天狼光嗚呼生靈膏斧鉞
魄化愁燐散殘骨烽烟過處長荆榛隴畝東西盡蕪

沒一人亦瑞一粒珠猶且蟲沙變滅何斯須天不愛
寶將何如書乎書乎痛爾真如拉朽如摧枯

雄精如意歌

爲吳壽庭先生壽并序

雄精雄黃之精也餌之鬼神不敢近久之可以

成仙四月二十一日壽庭生辰持以爲壽並系

以款

壽庭先生今朝壽正與曾賢同一日峨眉仙子到欲齊
錦水羣賢至皆畢先生四海稱文宗落筆爭羨人中龍
四川山水神仙窟故教前後同華封我與先生文字契
論詩不復分同異正當作序化書時特贈雄精祝如

聞昔贊皇鎮西蜀丹砂先令玉象服我道不如餌此精
久之能使神鬼伏

餞別少司農周東屏先生

與

奉

命回川祭江

瀆祠卽用其胥檢討張船山

問陶

在京送別原韻

并序

先是大司馬周文恭公於大兵勦金川時曾以
本省人奉命至蜀審案蜀人比之相如奉檄
傳以爲榮今先生又繼之更屬希遇四月二十
六日禮畢將由成都回涪陵省墓進京先二日
偕姜爾常張雲谷潘東菴黃淑尼及余五人餞於

小玲瓏山館皆嶒峨周立厓座師門下士座師
出文恭公門為小門生故也

兩世天恩一轍同又傳駟馬入川中王褒遣祭黃龍見

語見漢祭金馬碧雜文班固家傳白虎通最小門生髭半黑無多

酒友頰誰紅嶒峨桃李今餘五碩果雖存欲墮風

漫言燭短引杯長持節難逢是故鄉威重羣瞻今日貴

飛揚深悔昔年狂褻帷竟駐皇華館畫艦遙歸畫錦堂

羨煞益州諸父老超宗爭說鳳鳴岡

左綿誰料兩番過公甫至成都二月仍馳至綿州辦公正值涪江唱凱歌

入境蒙詢鴛鴦侶磨門深愧犬豚多過綿時適萬邑樓火蒙詢兒不致兩

甚絳雲一燼寧非劫紅日高懸欲止戈若到京華見余

季為言里亦望鳴珂時余弟鬯元亦奉使琉球未回

小玲瓏館共攀留聊當甘泉煮茗游館主李姓甘泉人天使相

如回故郡人如杜牧在揚州別來鬚帶三分白醉裏眉

攢萬姓愁戎馬幾時能淨掃嘉謨入告即恩酬

送吳壽庭觀察伴送魁制軍解任進京

暫送褰帷上帝京駢駢四牡又遄征當年志本依冰

鏡此日心欣近玉衡豈為家人圖聚首聊酬國士感恩

情出城四望何瀟酒滿目秋田雨正晴

兩度輜軒到益州珊瑚鐵網已全收詩名遠過高常侍

兒輩爭迎郭細侯時與門生聯短句日從幕客運長籌
自慙不是門前客也被歐公放出頭

成都趙太守少鈍秉淵招飲和壽庭韻戲周東屏

烽火攢眉度一春今朝始得出城圍誰談澤潞兵三萬
難覓揚州姓杜人

金盞尊前玉樹花肌膚細膩盡堪誇最憐依樣葫蘆客

一夜郵亭認作家

附贈雙絲粵東人

吳樹管

又看蓉城一度春匆匆車騎出郊圍橋邊指點銷魂
樹無過當筵折柳人

花田十里素馨花誰為移根蜀國誇珍重海棠明月
伴從今流照向西家

哭吳壽庭二首 聞空於咸陽旅店

已燒萬卷猶非慟又喪知音良可哀天使予存因慣哭

人聞君死盡疑猜玲瓏七字今猶在諸同人及門生公

命磨墨書所作詩甫寫割得玲瓏一片雲七字而墨旌

膠易紙復然途中止余拾而藏之今乃知非佳兆也

旃千年竟不回從此上林皆氣短更無此老解憐才

新都會憶訂交新立語無多意最親敢謂隨園能並偶

公贈詩有蘇園欣逢按部再來巡公署鹽茶觀察余錄

隨園差並偶句巡道何家居惜我真山好卜宅為君擇地頻

予欲移居成都必擇園亭恐公歸見訪故也自是錦城無可戀不論何處也安身

六月六月偕靜齋春臺喬梓遊丞相祠觀荷和道人黃超然見贈原韻

此身已作半枯翁喜見孫枝又出叢張清夜為超然師祖老樹對花慚倚玉嫩荷酌酒愧持筒謂碧人來北棧橋全燬家有西湖藕半空却憶年年當此日晒書萬卷滿庭中

月夜偕杜耐菴訪賈雨田廣文

月本不能熱偏于此處涼晚來花弄色露起草生光不用燈懸室居然畫上墻連宵城似甌赤脚一登堂

送新孝廉冉曉山玉嘉北上二首

道是雞羣鶴公然魚躍龍腹便經笥足氣勇筆鋒衝名數瀛洲合中式第十八同行甥舅從不因程限迨猶待祝華

封臘月初五日為予生日

鄉居誰可語惟汝與顏生明典亦從予學又送一人去何當萬

里行時北棧道經改從成都東門萬里橋水路時雖遠春榜月已屆嘉平定

有長風送郵籤報水程

偕家人作九九消寒會姪鴻漸有回九詩因用其韻

酒到消寒不計卮只愁一醉少醒時夜眠苦恨雞鳴曉

晨起先聞鵲噪曦劉氏犬豚應凍煞說云三九四九凍煞猪狗阮家

犢鼻正相宜昔年曾與同年會笑共家人一試之

附

朝磐鴻漸

家人此日泛瓊巵道是寒消四九時雪壓江梅香破
臘爐添獸炭煖如曦肥雞原以烏為美竦菜偏於醉
不宜比尸傳言烽火近老翁笑問又何之

童山詩集卷四十一

綿州李調元雨村

辛酉

人日祝綿州刺史劉慕陔先生五十初度四首

共道黃堂屆壽觴人逢人日興偏長面從微服行時熟

公每微行匪徒歛跡心在蒲鞭試處嘗除暴知看鷹逐雀釋冤似

聽虎駝羊壽詞最戒浮華語預擬新詩領衆庠

去年烽火逼綿城正值金山立大營築堞能容千戶住

舊綿無城君捐修千金甫及一月工竣民皆移避城內賊為短氣人呼為劉公城渡船先救萬

人生賊臨涪江難民男女無數隔岸號哭大憲恐內藏邪匪不許渡君毅然任之自駕船渡一日而畢活

者萬杜詩綿州州府何磊落試觀今日崇墉狀不減當年磊落各

賢守何心分彼此笑他新舊苦相爭時金山民欲君移舊州新州人不肯

俱赴上訟

曾憶成都避寇餘步趨曾子豈非歟誰知賊去泗江後

又遇仇來縱火初四月初三日賊泗漕而道淹斃甚多初六日吾家萬卷樓災蓋土賊也豚

犬棄家心太忍虬蟬撼樹計終疎可憐萬卷成灰燼猶

枉賢侯訪敝廬公聞報火曾有萬卷樓海內聞各一日破焚實深痛惜之語旋即赴宅親驗

我有毘陵趙甌比廿年書信隔天涯忽思愚老因親寄

也道徯良故里誇甌比於公為姑丈去年九月初十日曾有書從公處見奇亦有慕蔭願有循良之

人不問言真孝弟天生強健為邦家明朝准按

譽語

公庭謁筋骨惟愁禮數加余以老病六年未謁今始得晤彼此暢談竟日

初春至蓮池書院見櫻桃始花二首

一花含蜜氣滿院盡蜂聲我在香中坐人如羶處行來

唧雖少鳥聽嘒已招鶯佇看收成日珠盤萬顆盛

剝啄何人叩看花客到聲蝶因香不去蜂為釀先行自

愧題門鳳先邀出谷鶯他年歸紫禁御苑定看盛

彭明周明府起子見和梅蓮二詩仍用前韻答之

路隔昌明一水分循聲早聽說紛紛久思來坐周敦月

後周濂溪初名敦後避諱改惇頤同訪曾藏李白雲鴻字投時心實獲魚

箋詩就語超羣囊中錦句如傾贈所見當期過所聞

龜山詩集卷四十一

月上為余方外友蓬門每為聽琴開畧諧吟詠頻頻寄
頗怪求書得得來何日褰帷宿蕭寺終宵覓句遶花臺
玉蘭聞道昌城盛可許他時乞種廬

劉慕陔州尊遣吏送趙雲松前輩書時萬卷樓焚
雲松不知也因作詩寄知亦當為我一哭也

不恨同心各一天只嗟書札也茫然粵東宦跡同鴻爪
川北民膏濺鶻拳趙括父書偏不讀劉宏吏紙屢郵傳
是灾是火俱休問作答忙封附去船

過梓潼宮贈三秀長老

路轉山門別有天回頭隔竹見平川千家雲集魚鱗起

兩岸烟村雉堞

連

宮在塔水場西時場民新築小城禦賊工甫竣

碌礪何年卧

仙石清流到處

盡神泉偶然問得汀公信聞徃凌雲尚

未旋

送門生顏東屏赴鄉試即用原韻

鵬有垂雲心鵲

有背風智由來燕雀羣安知鴻鵠志顏

子本英才霄雲

可立致奈何屢蹭蹬仍守黃卷嗜經已

五六儲賢兼大

小識今年屆鄉科取之定如寄文章老

波瀾淵源况有

自譬如鸞龍儔必在風雲厠又如神駒

偶必與鴛駝棄

今日桂枝拔他時瓊林侍嗟余老善忘

書愧讀中秘才

盡江淹筆腹嘲邊韶筍每觀舉子文目

瞪口難示倘使借八闈墨水飲必至顧念及吾門惟汝
最出類不有金鍼度何處繡巧思勉哉赴戰場陣須與
人異落筆掃千軍方奪錦標賜欲使考官驚肯顧造物
忌從茲穎脫囊趁此及鋒試大抵文人唾盡是鮫人淚
以之求出售聲價遍南暨送君上前程看君振飛轡休
羨冉曉山隔年同得意

附原作

廩生 顏明典 東屏

天地生我心不能開我嚮父母生我身不能長我志
惟師教弟子期望乃備致嗟余本魯鈍於學頗解嗜
其奈逃途遠昏昏未早識洪維我夫子文獻於此寄

何緣生南村典型有所自親炙詣門墻洙泗得濫廁
自意樗櫟材應爲大匠棄竊幸高厚恩臯比許我侍
憐我詩無律指我詩中秘慮予文字荒免我勤書笥
循循然善誘何啻周行示譬彼日月明有容光必至
又如春風溫吹噓徧萬類大海見汪洋忽闢胸中思
五岳瞻泰岱頓令眼界異竭今食膠庠罔非師所賜
所恨運途艱似有造物忌四舉八秋闈偏難利一試
默記慰藉言感激轍生淚今年秋風早槐黃倏又暨
願竭駑鈍力再策太行轡天桂幸高扳好慰先生意

重臺蓮

移栽西沼已三春秋盡纔開未及旬萼比同床分上下
花非並蒂孰踈親有身易可占貞字無子詩終賦頽人
却怪穠妝搖落易每逢風雨代愁顰

牽牛花二首

素紗誰剪浸藍缸未染猶餘寸縷長豈爲鵲橋遺翠黛
却疑獼髓變紅妝雖拋綠蔓如牽線畢竟朱繩不服箱
世上兒郎多薄幸相思有淚漫沾裳
花鈿朵朵來何處千里良緣一線長愛向露零貪早起
羞看日色歛晨妝染畫誰道無多巧織錦懸知定滿箱
我到秋來常怯冷臨風欲借七襄裳

輓楊孺人

聞道仙山卧玉真蒼頭老監黥傷神擁輪門外朝朝盛
種玉田中箇箇珍愁斷頭皮偕小隱吟成淚句當長呻
詩文自愧非潘岳難寫珠簾月下人

寄墨莊弟并序

墨莊由檢討改中書後心平氣和無向時拔劍
張弩之態其論古亦多折衷前賢奉使琉球自
書大門帖對聯云立定腳根從吾所好放開眼
界與物無爭然余以爲從吾所好則未知所好
之是否也與物無爭則未知所爭之當否也所

好是如仁義禮智此可好也否則放僻邪侈流
連荒淫亦可好乎所爭當如忠孝廉節所必爭
也否則權奸誤國傷風敗俗亦無爭乎余作一
詩寄之云

立定脚跟須擇步放開眼界看施爲人間多少當行事
做出來時始見奇

和趙雲崧觀察見寄感賦四律原韻

江南來遠使甌北寄長箋接到新詩日逢回故里年
始從成都回綿室多薪木毀家少肯堂賢危坐方酬和千愁集
目前

萬卷成灰滅重樓亦燼餘今生無力購來世再儲書聞
火君當賀遺金我自疎 乞師終不出無路

學包胥 屢向州尊乞追
火賊尙未弋獲

我已才甘退君何譽不虞自忘名赫赫迺反羨區區袁

蔣同分鼎 謂子才
心餘 王朱若合符 指阮亭
竹垞 自慚非大國獨

霸亦良圖

寄我名山業 君以新纂核餘叢考
世二史劄記見寄 遙知歲月侵封時付

春舫到日已秋砧文字千秋事才名一樣小拙編容乞

序定不讓題襟

附

原任貴西道

趙

翼 字雲崧
陽湖

不見李生久今朝接寸箋來原經萬里到已歷三年
想像鬚眉老傳聞子弟賢京華舊遊跡振觸一燈前
天各一方遠年皆七秩餘料無重見日但望再來書
豪氣應猶在交情故未疎採詩偏我厚百首累抄胥
此書前歲發蜀土尙無虞豈意魚鳧國今成豹虎區
可能扶老杖當作辟兵符莫是將軍號眞教展壯圖
得信知君在其如寇禍侵遙知驚夜火不敢響秋砧
契濶同年面迢迢兩地心憂時兼憶友不覺涕沾襟
戊戌年余視學粵東關人以趙雲崧觀察子名帖
求見並以甌北集爲贄余見之留飯贈三十金而

去昨接雲崧書言其時子尙幼並未入粵乃假名
干謁也不覺大笑作詩見寄余亦爲捧腹依韻答
之

人生萬事盡傳奇尤是官場不易知頭角居然高我子
言談殊不肖君兒贈金小事原無惜欸飯殊恩悔莫追
未接手書終不解怪無一字謝微資

附 兩村詩中謂督學廣東時余子以拙刻贄謁厚贐而去僕初未有子入粵也蓋他人假名干謁耳書以一笑

一紙書來事大奇老夫被販不曾知是誰甘謂他人
父顧我從無外舍兒表丈不妨聊暫借

見唐據言故李播事

人且免去窮追見葉石林玉澗只慚畫餅名何用未
稷書楊衡事

足供渠干謁資
和廉使董觀橋教增見寄辛酉蜀闈和方伯楊荔

裳揆貢院卽事詩韻

今年秋日殊不佳登高欲賦雲峯霾忽傳廉使有詩至
風簷展讀持當階公由鼎甲署蜀臬剛方人比張乖崖
顧肯念及林下老險韻妥帖全篇皆自言今年蜀闈啓
方伯監臨魁斗牌多士如雲號舍窄添棚斫盡江干柴
推其愛才如命意不許一士塵中埋興來貢院唱新句
出示明眼先磨楷和成壓倒衆元白到日火已冬取槐

讀之百遍手不釋盤鐘相應音無乖嗟予曾謬忝文柄
竊幸處處生驪駒才無大小皆可造但恐襄事非其儔
今君酬咏皆賢哲譬如絲管聲咬哇惜乎未見誠齋句
想定萃萃兼階階會憶去年避烽火移居錦官城西涯
藩宣官署蒙許謁欵愜仰見騷人懷投我荆園藉和集
忘衰幾欲角兩蝸此公韋臯堪繼武有如魏絳聲和諧
試思今日旬宣輩才兼文武誰能偕有如胡公設湖學
遙知佳話徧錦里石笋珠樓傳滿街爭抄定貴薛濤紙
馬軍走破雙丁鞋自慚平生不好武書囊一負拋鞞靴

至今驥老全無用甘同鷩駘供長稽羨君半百神益銳
筆力可使南山排赤幢曲蓋襜帷過當道一掃無狼豺
他時劍閣泐銘日換碑定不殊李惟東底夔關西底嶓
長江無阻流潏潏賤子如健能握筆頌詞幸勿嗤井蛙
附和荔裳同年貢院卽事 四川按察使 董教增 觀橋 江寧 韻錄奉雨村前輩大人
春秋佳日古所佳每苦雨濕兼雲霾愁霖八月迺特
甚修檐豐溜侵堂階蜀城此日正秋賦士多麀集紛
無厓東西列號數近萬檐簷躡躡所見皆苦憶少年
困場屋貫魚序進隨名牌破甑收拾堪作家枯腸搜
索真如柴自慚科第等筭濫竊恐奇傑終塵埋棘闈

分校會一至模糊老眼頻拭揩驚心往事久怵惕十
年踏爛長安槐自從乘傳來轆道冰壺玉鑑計已乖
簿書纏繞才力薄鞭策不進同波駟去年捧檄襄盛
典所喜卽事聯朋儕閉門五夜更漏靜清唵不輟聲
咿哇今年鎖院又重啓隔牆鐘鼓聞喈喈重闈上牡
限內外咫尺如在天一涯情知歲月如電掣結習自
繞平生懷舊題滿壁今在否誰拂蝕蘇兼延蝸新篇
忽有馬軍送調協金石宮商諧滄浪詩思清自喜徂
徠經義古莫借一堂共事盡風雅提唱先有揚誠齋
烹茶晝見日翻蟹剪燭宵看蟲綴釵中秋夜半忽開

霽水輪碾出凌天街文燄上衝氣拂斗奎宿下照形
如鞋冀將翰墨壓兵氣便投六甲拋箭鞞解鞍放馬
易短服持鎌刈稻連長稽人事十年會反覆岩疆千
里須安排乖厓治蜀比齊魯何有赤子爲狼豺籌兵
益餉今幾歲水飛陸走連海涯功成不日行速速恩
比濃露流潛潛諸生合有中和頌不須鼓吹號寒蛙

學使陳雪香

希曾

任滿以書來約至綿見訪久候

不至乃知從水路回京未得一送悵然久之

本擬左綿車馬駐誰知又駕下江船篋惟書畫光衝月
囊絕珍珠誓對天自見稚兒回簡後累他園僕掃門前

三年飲水真無愧學使從來少並肩

辛酉蜀閬綿竹原任戶部南籠太守唐堯春樂宇

六子張祿七子張扶同榜獲雋長子張友雖失解

猶中副榜第三子來謁喜而有贈

西蜀文章戶部公諸郎簡簡有家風科名幸我言而中

堯春七子皆賢而扶文有奇氣然書稱次余以爲館選

不利小考而利大場首先中者必此人也今果然館選

推君窮者工而祿可望館選三鳳齊鳴尾雖後二龍同

躍首騰空讀書種子今真見累月筭兒愧乃翁

九月初八日遣四子朝堯完婚於成都公館於十

三日自杜廣文耐菴岳家宅起身十七日迎歸綿

州南村本宅三日出見舅姑喜而有作

廿載鄉居歲月寬古稀婚嫁債初完人憐筋力難爲禮
我愛談心各盡歡喜婦今朝諳食性抱孫何日許親看
倘能謝煥生靈運何必家聲減謝安

喜六壻陳國光

觀林

自保寧至

烽火連天起君從底處來巴雲何日淨

巴州方山尙闕有賊數萬

霧幾時開信自羸人得身從虎口回臨門驚見面疑是
夢中猜

送陳國光壻至梓潼讀書

送汝年方少憐余日漸羸偶然言一別不覺淚雙垂親

老名須早君恩報莫遲潼江時有鴈寄字慰相思

送金堂明經何竹友椿齡偕七子分道上京赴試

七子者竹友與綿竹副貢唐張友拔貢張瑤孝廉

張祿張扶漢州孝廉張懷洵懷渭也張友先由水

路至寧鄉看親北上洵渭從之張瑤張祿張扶由陸

路至長安看親北上竹友從之俱於十一月十七

日起程不及分送因寄長句別之

去年庚申遊錦城從飲七人皆青衿今年辛酉屆選舉

四人孝廉三明經高師自出強弟子名將從來無弱兵

當時肉眼不識我方謂所領皆狂生豈知科發舊家第

魚龍變化真容易自歎子無孫仲謀無父國中翻有二
七人白眉誰爲首就中青眼何竹友生平自愧在盧前
獨於懷涓馳王後九月二日秋榜開報馬過盡無一來
自知下第怒已息忽聞渠中聲如雷天竟何如命至此
倒床大叫呼不起從此不踏銅絲街懷涓所居一月閉門洞
礮裏竹友所寓今聞連騎赴朝堂德星又聚吾家庄只嗟不
見唐張友四雁一隻飛寧鄉

贈彰明孝廉蔡冷園履庸

入門有客氣如虹驚倒童山一老翁文擲金聲詫孫綽
語霏玉屑勝王戎名聞百里雷先震詩和三更月正中

曾館醒園思令弟不然雲翼起雙鴻

令弟履中曾從余學

贈孝廉余韻岡人鳳

室邇人遐僅隔村今朝何幸枉蓬門朽才何敢居先輩
失教偏憐少後昆明眼房官吾故友謂張薊園前安令與余交最厚
頭山長汝師尊謂錦江掌教姜松坪同年君從學甚小綿州本是文風地從
此溟魚看化鯉

童山詩集卷四十一

綿州李調元雨村

壬戌

戴心齋遣人送玉蘭一本發視之乃木筆也詩以戲之

中書老秃恨難中長憶香膚伴睡翁準擬今宵橫玉體
誰知又遇筆頭公

題王旭菴畫蓋儒而釋者

不學巨然畫毫端頗得之能於倒垂石寫出老枯枝君
已入蓮社吾方倚菊籬敢言陶靖節只愛酒盈卮

讀南籠遺稿有感太守唐堯春

故人已死不能見今讀遺詩如復生黃葉半江推獨唱

公有黃葉半江湖之句為人傳誦

青燈一卷憶同檠性嗜俗客如憎鬼

心愛知交輒喚卿却羨君家書帶草老纔將子託康成

贈雙流彭翁元英

鬢鏤翁誰是無如我老彭面紅霞一色鬚白雪千莖家學傳孫武長生似廣成潞公如再遇定許會耆英

二月十二日門人陶華春邀予同溫漢臺唐鹿園

何菊友遊小天竺得詩四首

心旆常思北肩輿却向南名雖小天竺地實大伽藍墓

挂吳公劍碑高蜀武擔清明期漸近我亦欲回騶

三年吾尚在復見老門生卧病憐初起聞遊勇欲行詩

猶摧勁敵書似擁專城甲子無人記惟呼石作兄小天竺池

邊有石甚奇漢臺亟賞之

前歲風流歇惟餘一鹿園開唇蘭乍笑一笑紫翻唇楊誠齋蘭花詩也

鹿園唇紫故戲之見面棗偏翻賦笛漸非馬呼盧每憶袁川袁

事時鹿園有眼那堪同菊友重看李花繁

吾師原自浙又遇浙中人忽聽鄉音好如同總角親萊

花黃不斷楊柳綠初勻不是輿僮促談花擬至申

附

唐張瑤鹿園

萬里橋邊路行直向南山光明擬翠水色暗拖藍

芳榼誰先挈是日遊人已有名花欲論擔其地司磨

先生擇其佳者購數種歸錦城春侶海莫漫理歸驂

南臺寺同溫漢臺遊

一自南臺火遺碑不復存茶毘僧幾箇笑兀佛三尊寺

日惟三尊佛未壞見壁竹徑隔高岸桃園深閉門更無

聞熊中丞學鵬刻石詩人接引惱殺漢臺溫

偕潘海峯助彤再遊小天竺二絕並示東菴

草長城南鶯又啼出門數步雨淒淒賣花人去無花賣

辜負潘郎兩腳泥

乃翁脚疾未全愈聞我來看喜欲顛但恐東坡肉生喫
呼兒午膳且遲還

成都學正王儀亭喜用水烟壺詩以戲之

自從烟草來中國裁竹成筒任吸呼大抵皆將銅貯火
邇來更以水為壺趨炎世態今皆是喜冷人情古所無
獨有儀亭清到底終朝噓盡置門盂

三月初四日清明華陽高君若愚同溫漢臺邀張

桐軒李延亭潘東菴蕭恒齋及余與杜耐菴出東

門踏青遂登白塔寺至薛濤井并謁其墓墓久蕪

沒華陽徐明府始為剪除觀歎久之晚高君置酒

於真武宮門席得詩十首

城復于隍看出巡是日都人控城隍行東門渡口盡遊

人蜀中又見高常侍領袖諸君到水濱

翠藉車輪綠藉蹄寺過白塔客初齊莫言春老吾猶老

脚到樓梯不上梯

紅粉年年上塚多女兒能唱小兒歌不知風土因何變

今歲焚錢盡阿婆

不見薛箋惟見井琅玕萬個綠陰陰何人刻竹留題滿

我欲編詩入笑林

名亡從來出濟南桐軒一語更奇談美人不見空留水

得飲寒泉心也甘

才人萬古總黃泉我歎原由之暫眠不識東菴有何憤

竟思哭倒拜墳前

肩擔欄子手携瓶東郭播間共踏青多謝耐菴分半玉

自提雙鯉挂僧樞

蕭君酒敵萬天雄自說前身是鄂公怪道席間能搦戰

奪稍真似尉遲恭

詩人弟子李先生李延亭從成都張明府受業玉屑霏霏出語清長

李如今真老矣應推短李占時名

薛墳拋在麥田中闢草全憑刺史功生與高駢緣不斷

如今酌酒又高公

玉蘭花歌贈鍾二水

老年看花仍似蝶到處名園盡遊獵錦城二月花市開
欲買玉蘭如買妾妾容在色不在香此花獨冠眾芬芳
濃露一枝零漢掌素粧千朵壓唐昌城東城西都尋徧
天竺一株驚乍見賤售纔得千錢餘輦歸贏得萬人羨
尤物從來必並肩如何獨見藐姑仙宮妃縱看霓裳舞
神女難邀環珮捐我有門生鍾二水家住綿江萬花裏
誰知託覓才一言早見移來成兩美從此後庭花更多
瑤臺片片下瓊娥只嗟老人真老矣奈此雙雙玉樹何

贈新都曹明府應穀 并序

過新都聞曹令應穀嘉善人爲余癸未同年秋
漁焜之子焜初選新都令後陞邛州署嘉定獲
罪得釋擢部卽陞知府卒父子皆新都亦異事
也

縣非世職偏如襲兩代同官事亦奇人道狂仍不可及
我聞清亦畏人知甘棠合喚吾家樹喬梓爭看爾俯枝
倘乃翁存定相戲不如君尙有佳兒

哭原任臨安太守房師王夢樓先生二首

丹徒忽下兩行淚計自新都坐上聞房考暗中逢直講

宋梅堯臣為小試官得蘇軾刑賞論以示歐公公驚
 欲冠多士疑門人曾子固所為乃黃第二梅時官直講
 都官余癸未忝居第二門生時亦喚將軍榜下人以杜
 而公亦官侍講故云武稚子總能文嘲子與視芷塘公以曾經滄海文尤瀾
 已耶大同年故畧分言情間亦相稱公晚年愛寫蘭亭筆不羣
 晚年公晚年天高何處去向南遙莫預除葦

去年甌比達長箋為道吾師健似仙旋寄鴻書詢絳帳

詎知馬鬣隔黃泉四家選已傳通蜀廣漢張懷漣曾選

余為四家選集盛百韻詩猶憶去滇哀枚趙翼及師與

此笙歌停女樂後堂終不到彭宣聞公有女樂在南

出門行訪唐張友作

今年三月春風惡紛紛滿地桐花落坐令經旬不出門
 輕裘脫盡仍重著朝來東裝離南村黑雲壓山天為昏
 明知欲雨行李戒載途乃見朝日曠老人負膺兼負酒
 醺醺醉向綿城走借問綿城欲訪誰吾之小友唐張友
 聞奔母喪寧鄉還到門剥啄久乃傳麻衣遠映峩眉雪
 面色猶帶瀟湘烟為言貢舉何曾貢去年副車真誤中
 原思鵬翮學扶搏其奈鷓飛又退送以此感嘆世途垂
 更於時事何所諧不因親尙堂前殮竟欲踏破名山鞋
 酒闌燭炮語未畢更出先烹熟鴨一三更別去五更回
 歸家已屬第二日

有客孫光宇言其叔文煥貴州糧道籍沒事有感

二首

傲凶謙吉不須論自古貪淫總禍根
 馮諼空煩營兔窟王媪多枉嫁烏孫
 錢因性吝愁全貸金為奴欺悔屑吞
用漢孫奮及晉孫秀事 巨萬貲財成底用
 生還難買入家門
 記昔為余入幕賓
 監司我亦難申身
 誰知棘木乘危日
 來索楊枝未遣人
 對酒曾將壺打缺
 刊詩不許姓鐫珉
 只思金穴千年固
 象齒今朝竟殞身

送侄朝磐歲考

楊柳枝枝綠正勻和烟和雨送行人
倘逢彈指聲相應

便整衣冠拜柳神

校職雖官不是官一瓊曾笑鄭虔寒
不如高步青天上

先立雲中使衆看

再和補廩

青錢萬選揀來勻揀出居然第一人
讀萬卷書今日破
看吾子弟筆如神

科第羣尊翰苑官年來門戶漸單寒
朝陽三鳳吾家事
汝輩從新學我看

和二水送花騷體韻

最難養兮女子與小人最難防
兮拏婢與僮僕古人所

戒兮遠在朝今人所患兮近在屋既難以其醜道兮又
 難將其事暴是以借名於俳優之遺心兮與夫花草之
 娛目誰知君之愛我兮魄以玉蘭比我自售之玉蘭兮
 送家尤速適我在錦城兮見書欣然遂即歸南村兮開
 我鑿壁雖滅獲之遠賜兮萬里而遙幸魚貫之宮人兮
 七日來復對花而思君子之人之好兮亦何異乎窈窕
 之女之淑

書冢二首 相唐子范韻

不使墳埋骨偏教冢葬書焚如秦政虐莊似陸渾居人
 火同宜榭藜燃異石渠不如竟燒我留我待何如

雲絳樓成燼天紅瓦剩坯半生經手寫一日遂心灰獮
 祭從何檢龍扛漫逞才讀書無種子一任化飛埃

附原作

編竹舉人唐張祿子范

一炬三旬滅孤墳萬卷書古今雖異代生死亦同居
 地下多金匱人間少石渠劫灰緣底事天意竟何如
 誰道書無炬千魂嘯一坯長恩呼不應脈望盡成灰
 貧士無從借庸奴亦始才自應歸福地未必在塵埃

和

稟生胡磐 灑鴻

兩世簪纓繼三朝秘閣書賊來家未毀翁去室誰居
 竟似秦焦土徒悲漢石渠可憐如汲冢難掘恨何如

惜不藏二本唐柳仲邱有書唯餘土一塚有同油積
庫無術緝還灰東哲校書手張華博物才可憐盡科
斗蠕蠕化飛埃

和

增生朝埔金剛

此日一堆瓦前年萬卷書可憐半生積不共百年居
星火思天祿幽燐哭石渠六丁天取去二酉敢何如
也似楚人炬應名焦土坯聖賢同一哭仙佛亦成灰
能窘面墻客難窮腹笥才老人休歎息函海未烟埃
和唐子范初夏再至南村韻

老來手不草雲烟仗子揮毫若仗天漫學唐衢悲未第

肯同王衍不言錢兒多逃學心難束翁久荒經腹欠便
莫厭門墻新失弟攀留準擬過今年

陰天

效白樂天體

坐立俱非是心知倦欲眠但尋牀有被不顧榻無氈鼻
息如雷醒書聲似雨懸不因痰嗽起誰解是陰天白樂天病

中詩氣嗽因寒發風痰欲雨
生病身無所用惟解卜陰晴

夏初偕唐子范及磐壚二姪同遊園分韻得同
字

園園全種柳到處綠陰同荷露原非雨松濤不爲風亭
危愁瓦墮橋斷借筇通翠鳥知翁主啣魚上樹東

附園字

唐張祿

昨夜甫成約今朝已到園門中全是水池外半皆垣
舊閣船侵岸新房石滿軒箭闌同點筆佳趣各忘言

附遊字

朝磐

弟子言聲息先生約小遊三家麥酒熟四月樹陰稠
魚喜跳深沼鳩鳴隔小樓名園誠足樂季子得知不

附函字

朝壩

智者何為樂游魚盡在函戲看蓮葉動躍覺行絲牽
地澗能藏鶴天高欲戾鳶納涼無過此把盞意欣然
和趙雲松有感流賦原韻

噉齊胡不急先圖坐使 朝廷緩受俘總為官兵皆愛

命翻驚賊子慣羽書八百里九重望斷粘毛馬皆粘雜毛萬

里飛看攫肉烏名將豈真無上策老夫還想學陰符

蒿日時艱忿不平剪除旄見孽芽萌笑談頗負蕭曹畧
詩賦空懷屈宋情見說楚師常夜遁頻聞秦棧尚難行
地荒莫道無人種田在余心未廢耕

附原作

趙翼陝北

崔符何意蔓難圖初起潢池不易俘賊不殺官猶畏
法兵無戰將孰指軀帥行共指軒中鶴寇去方追墓
上烏歷歷前朝陳迹在是誰專閫握軍符

百年安堵享昇平誰肯輕生肇亂萌死有餘辜食更
害鋌而走險小人情彈丸黑子皆紛起繩伎紅娘亦
橫行好片桑麻繁庶地烽烟千里廢春耕

五月五日贈劉童子榮貴

喜見莖蘭第一支語言非亢亦非卑觴蒲節屆無佳客
餽黍鄰偏有好兒使我名傳惟筆墨要童身貴是書詩
一齊相授須勤記家有明師更問誰

懷唐子范

留君總為怕分離曾許回轅竟失期未免大才終小用
敢嫌去速轉來遲桓靈見譽楊公則季孟交情李壽之

不是古稀身已老願稱弟子奉為師昔漢朱穆年五十
奉書趙康稱弟子
余近七十故云

答墨莊弟二首并序

墨莊自琉球國復命稱 旨旋陞宗人府主事
屢有書來怪兄久不作答詩以寄之

便鱗非我懶手戰不能書萬卷一焚後二年百事疎吾
衰知甚矣若况竟何如倘有書航海攜歸慎秘儲
聞自琉球轉依然宦橐空八旬兼有母兩鬢又成翁半
世江湖外全家館舍中長安居不易頻望寄飛鴻

辛酉年四月於屋後鑿池種荷放紅鱗數尾經歲

不見疑其失矣今年六月初六日用三合土塲岸
工甫成而大雨如注忽見紅鱗浮出瀟上視之即
去年所放也殆為灰水所漫而始出歟抑如有德
之人隱居不出遭世多故不得已而出歟老人獨
居無侶得此不啻如故友之相逢也因作詩記之
蛟龍得雨信非虛初放曾將歲月書只道已隨風浪去
誰知又見隔年魚

膽瓶蓮花

斗大何人膽蓮花插斗中瓶將磁貯水杯更碧成筒移
種知難活連根土易融閒來與僮約添水問花翁

得趙雲松前輩書寄懷四首

見昔十倍於見面此語雖直奈老何皇甫序文曾許矣
歐陽詩話已成糜丹徒早抱西州慟墨蹟空傳北海多
莫歎眼昏精力憊老天留我兩皤皤

憶昔青雲附驥塵君方及第戶盈賓時君初捷時晴齋

每招遊侍齋為汪文端公太老聽雨樓同看劇頗畢秋

帆前輩在京椿樹醉歸三巷月綠楊針對兩家春癸未闈

猶記房車過親報余登第二人闈尚未至家即先過我

報余中第二故得捷音九早至今尚感云

寄來兩部大文章劄記咳餘並挈綱早歲腹原充四庫

老年胸更展三長讀時似倩麻姑騰掩後偏愁沈約忘
我亦名山多著述未知石室付誰藏

袁趙姬唐白與劉蔣於長慶僅元作時有程秀才創為

圖一生此論常偏袒高口稱詩讓倚樓天下傳人應手

屈世間壽算又頭籌當年病熱君知否伏枕呼瓜一息

留昔石在京病熱幾不起有醫但令食瓜竟以此愈

開峩眉雷波等處賊梗不得峩尉靜軒消息

攜弟曾遊大小峩當年東道縣廳多匪猖乍似翻江海

健將誰當曳落河文士臨危能死節謂前令南

義應援戈他時欲作雙忠傳史筆吾知不讓他邵王維武詩人見

西巖登翼泉亭

西巖怪石難名狀小者虎豹大兕象忽然兩翼生青雲

從人扶我非我上緬昔湯公建業宰此邦其時盜息民

敦龐每來西山挹爽氣凌風欲與亭飛凌當年好書癖

如我函海載歸壓江左至今官罷兒賣書也似吾家萬

卷火彼書雖鬻兒尚存不似吾家兒盡奔每逢秉燭看

風色獨坐無人多淚痕龍鍾猶滯石巒巖總因老朽無

所依此臺何異瓜三摘忍令抱蔓空自歸

洗墨池贈文昌宮道官劉陽義詩四首

何處乘涼有好風旁人指點說城東紫薇一樹然如火

映得雲霞八面紅

不是仙居安有島原來活水積成池問誰洗墨無人識
莫認楊雄又到茲

點鐵成金聞有指說黃道白豈無心不知七七遵何術
頃刻花皆滴滴金

道家本與蓬萊近見爾微嫌尚作官我已拋官久修道
時人猶當翰林看

正印上人

路出東城即亂山寺門高入翠微間是誰肩搭道衣下
知是松陰正印還

和張廣文萬選原韻

向日葵移晚秋風梧落初十年蒼狗變萬事隙駒如有
子難妨老無兒不積書賢愚空在抱生死總皆虛此日
逢良吏何時返故居鄭虔曾見約特訪讀書廬

安縣大永和山長成

道華

謝函海韻兼呈陳明府

作珍

公六合舉人由梓潼署安令有廉名善除盜

安州四門水如海混茫日月無光彩十日淫霖雲始開
山形不改江形改渡船艤待水歸宗喚渡人幾無地容
坐令黃耳書不到浮沉恐過長江龍父子骨肉天生定
不應江神呼不應况化鳴臬哺所生仇覽正署蒲亭令

波濤洶湧休相驚已聞鴛鴦呼晴聲縱使女媧天欠補
豈因織女河將傾總爲隨車雨不已青天常在雲端裏
自是先生讀書過雷雨不聞書亦震驚能百里詩有此書可祈雨句故云
題張一齋小照
昨讀此公詩今展此公像詩筆松篁清人秀竹一樣蘭
桂階下生菊花盆中放烏圓與人戲青衣以蝶向先生
亦茫然掩書悟萬象

和成夏圃逃兒詩

有子何論才不才不應捉謎與翁猜汝心莫教天知道
蠅蚋來時我自來

附原作

成道華 夏圃

吟成七步信多才偶失明珠莫費猜正似君詩常敏
捷不須尋覓自然來

七月二十一日同成夏圃張一齋小飲文昌宮洗
墨池

此地最幽爽到來心便清草花兼五色莎羽已千聲巖
晦泉常滴池深藻自橫黑蛟蟠欲動白蝠老成精結伴
邀孤客聯吟愧兩生酒休分淡濁詩莫鬪輸贏驟雨遊
魚落狂風弄雀驚暫求禪榻睡睡醒未天晴

附同作

安縣張萬選 一齋

此地饒花木軒窓分外清誰開半塘水映得四山明
雨落魚沉藻風飄蝶入楹齒高文品貴詩敏笑談成
忽動撥天筆旋聞擲地聲秋薇紅一院烟柳綠齊城
醉後乾坤小狂來得失輕墨池有誰到從此屬先生
洗墨池係舊額前此未有人到竊以為非先生不足當也

向成夏圃山長乞美人蕉

紅蕉羅列講堂中絳帳都疑似馬融不識綠天諸侍女
有誰願嫁白頭翁

蕉至則花謝矣再寄

果然綠萼下秋雲却卸紅粧着素裙知道相如病消渴

遠山懶畫卓文君

向張一齋廣文乞秋葵並和原韻

犬吠雞鳴小村落居然學署似農家不甘臺省諸公後
官冷偏栽向暖花

不愛穠妝似麗華愛他道服帶烟霞明年看赴瑤池宴
酒酌金杯箇箇斜明年余七十

和余滙川見寄五七絕句四首原韻

鞠已有黃華蕉葵未到家如何詩四首不咏一些花
炙美甘成式尊空憶孔融最憐深店語兩個聒嘴翁
少年交盡越中朋萬壑千巖倡和曾君道半龔吾不信

不聾塊壘似邱陵

誰能洗盡滿胃塵晚得相知分外新我也諸侯老賓客
詩人半是幕中人

劉幕陔州尊屬作綿城碑記以虎邱仰蕪樓祖邱

花露十瓶為潤筆奉謝

祖邱房聞袁子咏小倉集有全得虎邱勝無如祖邱房之句仰蕪樓見趙君

吟甌北集有遊虎邱用東坡韻咏仰蕪樓三首東吳花露來西蜀萬里香開

直萬金

南遊頗負蜀詩翁名姓何曾遍浙東却笑雲松貪對偶

白誇懷杜仰蘇工雲松偶檢杜少陵壯遊詩有東蕪臺闔閭邱墓荒等句謂子美

遊此欲於仰蕪樓畔更築懷杜閣以配之

喜陶先生開運至贈詩二首

我有華陽友聞來喜不勝終年只思卧一旦自能興竹

裏樓先上欄邊菊可凭兒童解留客自仗檢書能

果然君四海驚動四鄰來便有人相請還邀我作陪陶

潛如果飲李白也能杯天意知迎駕先推日色開


十一月初三日小萬卷樓成

朱昂小萬卷我老豈其人萬卷天收去幸猶留老身

嘆老

人壽雖百年一看一回老草生雖一年一看一回好草

童山詩集卷四十一
能轉春色人不同春容一去少不來百病來相攻我願
人到老求天變作草但留宿根在嚴霜打不倒



童山詩集附卷上

綿州李調元甫詞

蠢翁詞十

定西番

萬里沙漠誰至都說道有人來李陵臺 漢使昔年持
節雁回人不回聞道玉關此日塞梅開

長壽樂 開謫伊犁作

無端掩袂記去年壽域宏開之際絃管聲中珠簾門內
負恃千嬌百媚又誰知今日離愁萬般牽繫空幾度遣
人投玳問筮總難憑怕對錦衾繡被 聞人說此一去

童山詩集

附卷上

春野公詞上

萬里邊城迢遞忙檢箱寄春衣未曾全檢先盈眸攬涕

鳳樓春

好事太匆匆纔共房櫳笑春風一朝離別去如鴻珠粉
墜雲鬢那得誤人年少日日守綉幃空 雨聲中簾
霧溼濛倚闌斜望一雙蝴蝶趁花飛過牆東莫箇書通
生恨千里五花總慣馱郎去欺我鞋弓

好事近

荷包牡丹

箇箇小香囊誰做這般精緻想見嫩紅輕茜費盡春心
思 牡丹雖喚不同開何況色香異却怕問他根底
當歸名字

錦堂春

風動簾鉤響月雲籠寶鴨吞烟門外鞦韆車至疑人到
堂前 對鏡翠蛾再點啼珠紅蠟重燃相逢各訴相思
夢啼醒夢依然

定風波

寄內

日暖風和柳絮香一池春水浴鴛鴦誰遣狂風兼驟雨
波起陡教雙翼各分張 一霎雲開塵似洗波止祇應
作主有東皇重整菱花當日鏡心定繡茵深處話淒涼
感皇恩 被赦放歸作

湖上載扁舟早決此意非爲浮家泛宅計蓑衣卧月任

我日高慵起問先生醒未茶烟細 潞河雖好風波無
際不如歸來潺汀裏花汀竹嶼繞艇無非香氣同心如
少友鷺鷗替

滿庭芳

裊裊亭亭香車初卸移步上瑤階洞房初見便聽別離
催真箇無緣會合背地裏含淚疑猜春歸也空幃凝望
腸斷日千迴 乍狂風驟雨尋花已倦忽地抽回問桃
源洞口桃可先開早見猩紅滿地衣漉處露濕蒼苔還
相問難逢玉趾今後可常來

千秋歲 寄墨莊

春愁如海海讓愁來大波拍處心先碎任酒澆胃壘醒
後愁仍在何况又空瓶小市無人賣 耿耿休言介咄
咄休書怪人世事多機械足恭吾不恥匿怨吾當戒回
頭笑今生總是前生債

後庭花 聽王四兒歌撲蝴蝶

日長金縷垂深院滿庭花片一雙蝴蝶南園見溜波偷
眄 和身倒撲去輕羅扇腕露黃金釧纔得又飛情猶
戀一聲鶯轉

又 贈王四兒二首

當筵一曲如珠串面流香汗六么催唱重呼喚櫻桃微

縱滿堂賓欲散重開宴道雲聲達旦歌舞教成炎涼
判回首雲漢

又

姻緣雖小同親眷肯教人見且留待我書香案拭牋箋
視人間天上徧何曾見恁百長百擅爭不教人心兒
戀雙眸雙腕

更漏子

春夜闌春雨歇柳外一鈎殘月春露墜春風斜曉鶯啼
落花春日媚苦思睡金鴨篆香縈穗春色老燕泥殘
燕還人未還

解連環

此身誰託嗟郵亭驛閣半途飄泊憶昨歲華宴繁吹乍
雲散雨收恁般寥落鸚鵡樓前燕泥污一牀絃索想春
將盡也遶砌應生手種紅藥人生苦爲名縛看楊花
點點飛過墻角暗屈指驚換流年把拖紫紵青總待高
閣錦里花開定不少茶爐酒杓拚歸來看水看山全憑
草屨

昭君怨

畫裏宮人老盡未得翠華巡幸遠嫁出宮門是君恩
莫恨匈奴遠臨去留行未晚底事拍琵琶尚憶家

童山詩集

付卷上

春詞上

四

憶秦娥

邊城裏匆匆此去何時抵何時抵空教老了繁花細蕊
愁來怕把闌干倚馬蹄萬里猶不止幾多風沙幾多
烟水

江神子

落花飛絮又成團倚闌干晚粧殘錦字無憑再細把書
看節到清明人准到寒食過尚長安別時容易見時
難空誤妾一春閑生怕遠山添恨上眉端寄語歸來須
趁早梅結子半含酸

減字木蘭花

韶光去了杜宇聲中春悄悄一枕輕霞尚有紅粧不讓
花蘭閨夜永獨背銀缸和淚寢纔夢還家又被窻前
鬧鶯鴉

又為含笑嬾作四首

小梅十二未解人前偷送媚含笑含羞却把珠簾下玉
鈎靈犀一點惹得回身門半掩莫便輕狂不是陳家
小素娘

又

司空見慣偏是分司腸欲斷欲遣楊枝白傳情懷尚屬
伊那堪巾帶瓜字含瓢不禁剖玉杵無緣從此藍橋

路隔天

又

驟來濃雨滿地芳菲誰作主託與東風莫遣楊花入綺
櫺 蝶殘蜂去畢竟春光留不住捲盡餘花梁燕喃喃
也咒他

又

天邊遠戍海樣深恩難細述感荷情親煩將錦字寄良
人 尚聞消息恐放歸來不須憶縱有明珠眼不相逢
未嫁初

謁金門

春雨細滿院梨花深閉黯黯簾櫳慵不起睡擁髻墮髻

已聽鶯聲學語又見燕來凝睇看看穿簾飛盡絮尚
無歸信通

又

風過處吹落一庭輕絮簾外歸來雙燕語又是黃昏雨
蜂驚蝶舞往往來來無數試問落花誰作主只流鶯
未去

菩薩蠻

紅爐暖閣笙簫沸隔屏影影饒春氣歌罷出門行長途
芳草生 夢裏時時戀何日重相見天曉有烏啼天涯

童山詩集

附卷上 壽翁詞上

人未歸

又

京華一去無歸信
嬌兒向母牽衣問
問翁幾日回
欺他說便來
忽聞驄馬返
又過燕山遠
教送復教歸
迴車涕滿衣

塞翁吟代內

聞塞翁此去邊上
雨雪霏霏正是燕語
鶯飛忍獨守空閨
縱有木蘭從軍志
恐被認出雄雌
只落得淚沾雙袖
檢寄征衣
非非縱靡盬
不違自主也
應念白髮慈幃
況樂廣羸休文瘦
潘郎鬢不為尊鱸也
合來歸倘能歸

夫願守春暉
甘老柴扉

點絳脣

冷屋香銷日長
簾幕光陰過
夜來慵臥
暗卜金錢課
針線慵拈
却背燈兒坐
情無奈待他歸來
爛嚼紅絨唾

浣溪沙

滴滴花光潤
欲酥迷迷草色淺
成鋪一年好事在
春初
樹聽鶉鳩呼
婦侶巢看燕子
試新雛薄情一去
肯歸無

又

斜掩金鋪日影移
水晶簾子畫長垂
春愁一半化遊絲

蓮山詩集

付卷七 蠶翁詞上

詞譜卷一 附名一
淺黛畫成楊柳妬細腮勻罷杏花噀獨立無人不語

時

又

紅減雙腮翠蹙眉夜來春雨小樓知更無魂夢到空幃
玉步搖收攏鬢懶金泥裙卸解腰遲人間無藥治相思

蝶戀花

夜雨空留花一半春睡遲遲喚醒梁間燕霞印枕痕留
玉臉眼波斜溜身猶倦 猛聽書來愁已散泪迸書詞
更界胭脂面越替解心心越亂除非此刻真相見

釵頭鳳

春光真寒宵永小園驟雨聲聲猛東君惡無人託杏腮
啼紅新柳怨弱薄薄薄 晨初起風猶勁一池魚藻天
如鏡花開落今非昨萬般皆命何厚何薄各各各

怨東風

鳳帳薰爐冷菱花羞對影魚書一去竟浮沉恨恨恨雨
夕風朝幾番春愁幾番春病 閨裏空多困簾前人語
靜待將心事倩賓鴻問問問無影無聲半天月朗半天
星耿

鷓鴣天

詞譜卷一

鷓鴣天詞上

滿院春風鎖綠楊一雙嬌燕語雕梁纖纖玉笋拈花嬌
步步金蓮帖草香 勻睡臉洗殘粧薛牋親寫寄檀郎
儂家春色深深閉不許狂蜂過短墻

酒泉子

花笑東風何事任他狂絮捲成團深柳處雨濛濛
纔見花開又花落洞房仍寂寞掩香閨垂翠箔月明中

南歌子

翠殺釵垂鏡瓊瓏玉捲簾鸚鵡伴涼蟾憶君君不至淚
痕添

生香子 憶舊

君家住那邊妾住清溪曲一自送君歸春水年年綠
上灘還下灘目斷雙蛾蹙畢竟幾時來淚灑江邊竹

又

斜陽獨倚樓一江風雨細草色動清愁黯黯生天際
鎮日悄無言誰解人憔悴惟有睡鴛鴦知我憑闌意

南鄉子 估客樂

綠水漲平橋橋下年年度畫橈葉葉風帆俱不是無聊
早晚愁隨早晚潮 潮水有時消愁似潮來刻不饒寄
語乘潮來去客纖腰不是當年舊柳條

歸朝懽 涿州春遊二首

人過桃園宜載酒盡道樓桑深處正杏花零落怨東風
十分春色今無九綠野明似繡看看飛絮皆辭柳問紅
樓牧童遙指正是他家有 何須撥撚曹綱手不用呀
呀樊素口但教滴破小槽紅澆愁一斗愁何有他鄉須
得友連鑣况復親和舊笑人生爲名爲利空把春辜負

百字令

路平沙軟正芳郊雨過綠陰初滿無奈東風吹落絮細
逐馬蹄輕捲牆外秋千橋邊綠穠又是誰家院垂楊枝
上一聲鶯地鶯囀 且向野店青帘無心更去趁蜂狂
蝶戀宦海風塵知負了多少良宵歡宴兩髻堆霜雙眸

籠霧忍使芳菲晚遙村何處賣花聲裏人遠

清平樂

遠山頻皺乍覺纖腰瘦怕見同心羅帶舊猶繫別時紅
豆 畫梁燕子呢喃聲聲爲報春三乍聽初回塞北傳
聞又去江南

訴衷情

落花無主春已去雨霏霏芳草濕風起杏交飛滿院蝶
蜂稀依依玉門歸未歸寄春衣

夢江南

千萬恨日暮望歸舟無限波濤無限恨幾回風雨幾回

愁一鴈去汀洲

又

千萬恨垂柳復垂楊長絆春風牽客恨慣和煙雨斷人腸無語倚斜陽

童山詩集附

綿州李調元雨村

蠡翁詞下

十六字令

清柳際秋蟬不斷聲無人聽又向別枝鳴

搗練子

風過處雨初收柳外烟汀蕩小舟一曲採蓮歸去晚夕陽猶在水西樓

漁家傲 留別陳韞山

夢裏南柯休再述百年轉瞬如一日交盡黃金無典質

童山詩集

附卷下

蠡翁詞下

歸計必山中奴婢千頭橘 得失人間蟲唧唧龍邱訪
得還丹術若待向平婚嫁畢甚時節漁樵一見應遭詰

臨江仙 送岳梅 兼之任山左 參軍 傲東坡體

管鮑只今君第一 一言九鼎誰同 人生真是馬牛風去
來都是走順逆總難逢 此去青齊烟九點大明綠樹
濛濛勸君一飲拚千鍾 先生真醉也喚取密雲龍

又憶萬姬

雪是香腮雲是鬢 杏油輕點檀唇 一回相見一回親無
言推刺繡有淚怕沾巾 記得蘭閨情定日楚宮柳綠
腰身為他眉黛遠山春 自應非蜀客不解愛文君

又

眼底韶光心底路天涯芳草淒然斷腸春色是今年清
明愁滿地風雨睡連天 何日此身真我有我眉看月
山巔不求成佛不求仙酒中消永日花裏樂餘年

行香子 送六弟 九臯歸蜀

圓月當空歸興何濃 拚今宵須倒千鍾 煩君歸去傳語
山僮 添屋邊桂塢邊竹澗邊松 名利場中爭看匆匆
十年來勘破窮通從今歸去作箇漁翁釣一江月一江
雨一江風

眼兒媚

一捻纖腰是柳揉無力織新愁秋波乍溜遠山半皺長
是低頭 曉來底事開唇笑問者却含羞綠窻深處
蒲齒裏贏得頭籌

調笑令 送汝聰兄歸蜀

君去君去正是垂楊飛絮那堪兩鬢風塵千里迢迢苦
辛辛苦苦辛苦屈指抵家端午 分付分付說與東津漁
父茅廬結傍雲山塞上行人要還還要還要添個石磯
共釣

又

風攪風攪驚散沙邊鴿鳥波平一隻回飛一隻獨留未

歸歸未歸未應識人間風味 聽語聽語堂上倚門望
汝須知家本孤寒要把愁懷解寬寬解寬解書看五車
親買

西江月

時序疾於奔湍人情險過峯巔等閑打破利名關只在
黃梁枕畔 不必君平善卜何須管輅如仙窮通只看
鄧通錢命定不由人算

又

懶把雲鬟重理羞將粉面輕勻不言不笑慣嗔人喜鵲
從來無信 曲檻絲垂金柳小窻絃閣銀箏閒聽小蒼

童山詩集

付卷下

蠡翁詞下

三

馬嘶聲遣婢門前試問

如夢令

人去六南天北兩岸蘋花初拆春水滿塘生不見歸舟
消息空憶空憶飛起一雙鴻鵠

又

幾點海棠初吐粉蝶雙雙飛舞護取小猩紅莫教拂殘
鶯語記取記取又是一庭疎雨

又

記得寶鞍輕別恰是小春時節春去又清明兀自杳無
消息何日何日江上滿帆風疾

又

庭下丁香初結屈指半年離別最怕是黃昏一點孤燈
明滅嗚咽嗚咽窗外子歸啼月

又

陳華國聞予出京由務關追至涿州旅店話別

塞外行程將動百里故人趨送孤館話三更但道一聲
珍重誰共誰共惟有月明隨鞚

又

草草長亭鞍馬繫在綠楊橋下此地一分襟回首斜陽
高挂休怕休怕到處雲山如畫

一剪梅 三月十八日涿州作

春氣融和放柳綿花也嫣然鳥也翩然平郊一望草芊
芊山也光鮮水也明鮮 多病多愁已半年絕少人憐
長得人憐無拘無碍樂天全詩裡神仙酒裏神仙

甘州子

夢回午枕晝簾前拈翠管寫銀牋惜紅詞就日痕偏換
袂艷陽天春漸暖團扇一番圓

又

踏青時節放風鳶繩斷也倩誰牽盼郎心逐半空懸何
日續膠弦春漸暖又近麥秋天

沁園春

新號蠢翁自贊

朱紫叢中富貴皆嘗此日休題便前頭各有風雲際會
何妨勇退甘老蓉溪新舍初成開尊行樂任我狂歌醉
似泥回頭笑這蠢翁真蠢覺路長迷 此翁蠢更難齊
負骨氣何曾頭畧低有羊腸熊耳甘遭傾跌龍鱗鳳翼
懶去攀躋山嶠蝸廬水村漁舍歸去應無別箇擠官休
做莫蠢將極處送去伊犁

摸魚兒

感懷

嘆平生向人肝膽他心難似他口雲雨翻覆思前事處
處老拳毒手蝸左右蠻觸鬪十年夢覺徒搔首此生大
謬算燕許文章范韓功業素志竟空負 滌江水難滌

衣間積垢秋風開遍菱藕五十齊頭今衰矣只可鷺朋
鷗友聽擊缶君不見紛紛鵝蚌爭何有漁翁在後問昔
日陶潛歸來爲甚非爲一杯酒

木蘭花

今年春事關心事月未圓時人未至閉門花落雨聲中
鎮日昏昏只思睡 曉來窗外有烏啼百日歸期恰應
時黃鶯久住成相識細把離情訴柳枝

滿江紅

癸卯四月初八日回通州作十首

笑問青銅誰使汝鬢添霜雪人住久驛亭春過幽禽調
舌刮地風猶連日橫中天月是何時缺望 九重誰送

赦書來燈花結 兒女淚悲休咽昆弟勸言何切要田
禾親種園花親折不謀成丁黃犢飲且求向丙嘉魚穴
待鄰翁曝背話 君恩從頭說

又

去暴何嚴誰令爾如湯灌雪今始悔不如馮道但深藏
舌皸皸由來原易玷堯堯漫說終難缺笑從前談笑伏
兵戎深相結 非痴絕由忍咽非性直由心切奈天加
憐惜人偏磨折勲業站鳶愁墮水利名鬪鼠餘空穴想
當年炙手輒遭嗔低聲說

又

不合時宜。越犬從來吠雪，曾五嶺兩經龍窟。多遭缺
舌漫說可磨圭，不玷難言已破甌。無缺笑年來無計洗
煩愁腸千結。三更淚寒泉咽，千條計雲山切悔寧爲
柔廢何爲剛折墮。烏顧巢頻認樹邱，狐守舊唯思穴。話
知心除是鵲鴿原同他說。

又

少列金闈，曾共黍梁園賦。雪休再憶步趨螭首，日啣鷄
舌。丹筆已書安國背，黑衣誰補舒祺缺。對窓前仰看日
光移，香烟結。曾直把危言咽，曾直把忠言切。記當年
廷檻朱雲，曾折魏博卽今悲鐵錯。鴻臚自昔嗤金穴，賴

何人乞得此身回，真難說。

又

非見青天誰便許，沉寃一雪何必。又巧言如鳥向春饒，
舌蛇足添來翻。是累兔唇補去，終嫌缺算。此生都是命
安排，前因結。離虎口翻悲咽，思鳥道轉悽切。笑顏真
難厚，腰真難折。杯酒易生蛇角影，風波難信鱸魚穴。笑
從今有話，只三分逢人說。

又

塞外荒寒，今幸免陰山踏雪。前數定著龜難信，不須搖
舌。水到滿時當必覆，月將圓處先妨缺。待從今春過定

歸期黃梅結 花滿地鶯吟咽楊糝徑憐鳴切看蕭敷
雖好蘭摧甘折劍氣已離霄煥獄枕邊早夢盧生穴要
生還須鬪紫芝翁聽渠說

又

負債如山誰教爾清如水雪須信道于垣防耳厲階防
舌毀豈能傷曾子孝過須學補周公缺欲澆愁沽酒典
春衣衣鶉結 蠟食李由他咽鮎上竹非吾切要人情
嘗遍如肱三折只道橋平驢穩跨不妨堤壞螻穿穴笑
平生亦有范張交誰先說

又

江上篔翁常勸我寒江釣雪從此去築廬高卧閉門藏
舌只倩長繩將日繫何須煉石愁天缺問他時歸去作
何人爲元結 春釀熟新槽咽春雨過提壺切要陶潛
巾漉林宗巾折天外翔鴻防下藪水中智獺居高穴問
行藏漁父最知幾休浪說

又

自笑髫年何苦學囊螢映雪今老矣硯田猶在只宜耕
舌文字不留他日謗殘書尚守當時缺望我眉萬點蜀
山尖歸思結 三月暮鷓聲咽三峽暗猿啼切想家園
垂柳行人都折鶉冠子唯貪著述鹿皮翁本甘巖穴待

回時讀盡各奇書同兒說

又

雖是安貧何便少烹茶掃雪如見問但隨張口教他看
古起舞原須鞭著早高歌漫把壺敲缺笑去年爲我寄
征衣憂思結鶯再囀笙簫咽鱸再膾鸞刀切幸前番
生別未成簪折天上何曾銀作漢人間尚有丹成穴問
謀生推醉只搖頭醒來說

賀新郎

懷歸

借得誰家屋更閑將舊時經史剪燈重讀忠孝原皆吾
儒事誤我子張干祿看古今人情翻覆已悔亡羊遲木

補又安知失馬非爲福燃人事思爛熟將軍恩重難
書贖問何人賢如晏子解驂爲贖三徑蓬蒿荒也未歸
去雲龍山麓正故里隣翁酒漉得失鷄蟲何日了如
以爲未足今知足辭去隴只望蜀

又

落鳳坡弔龐士元墓謁龍鳳祠

白馬原非馬是坡前將星應落箭鋒齊下猿鳥至今號
日暮澗水滿山哀瀉更苦雨松風瀟灑試問劉璋今何
在鹿頭關百戰空堆瓦三分事一蘭若綸巾羽扇雖
風雅想當年伏龍鳳雛共齊聲價魚水君臣千古契應
悔酒間閑話得益州君謀也盡道名成八陣少又豈

童山詩集

付卷下

蠢翁詞下

七

知三策功高寡爲此論是誰者

竹枝十首在廣東作

清溪深處種桃家竹枝春後春前襯晚霞兒女洞口誰家紅

袖女竹枝木蘭船繫木蘭花兒女

又

樽花籬外竹橫橋竹枝日日溪邊蕩小橈兒女借問儂家住

何處竹枝蠓墻低處認紅蕉兒女

又

荷花相映海南天竹枝趁著鴛鴦去採蓮兒女水上遊人沙

上女竹枝齊聲拍唱相夫憐兒女

又

耳穿瑟瑟臉如蓮竹枝翠袖紅粧半在船兒女細嚼檳榔頰

兩頰竹枝笑招行客喫潮煙兒女

又

水國偏饒蚌與螺竹枝採真珠處水風多兒女浪婆赤腳歸

殘照竹枝障面團荷共踏歌兒女

又

秋入南天暑木收竹枝桄榔葉暗蓼花愁兒女家家結伴收

紅豆竹枝未解相思已解羞兒女

又

淘沙浪裏弄斜暉竹枝兩兩三三何處歸兒女孔雀自憐金翠尾竹枝驚人猛起貼波飛兒女

又

袖歛鮫綃窈窕孃竹枝採香人晚但聞香兒女椰子內邊有佳酒竹枝笑鋪葵席倩人嘗兒女

又

白蘋香裏水萍開竹枝兩脚如霜水面來兒女島上陰陰秋色暮竹枝滿船載得蜺兒回兒女

又

風皺波紋動畫橈竹枝采菱藤籠競相邀兒女回塘深處長

相見竹枝不在長潮定夕潮兒女

又

照水紅粧處處迷竹枝梅州無數鷓鴣啼兒女醉入花叢深處宿竹枝行人腸斷是清溪兒女

又

荔枝初結綠婆娑竹枝蟹戶人家笑語多兒女避暑信船輕浪裏竹枝閒拾女伴簇笙歌兒女

又

朱蕉衫子綠羅衣竹枝載得羊城絕世姝兒女家在越王臺下住竹枝畫眉京兆入時無兒女

童山詩集

附卷下

蠹翁詞下

又

弄珠估舶與樓齊竹枝家在木棉西西兒行客候潮天
欲曙竹枝猩猩愁聽雨中啼兒女

又

刺桐花落又花開竹枝屬意郎君來不來兒女暗裏故拋紅

豆去竹枝昔人騎象却先回兒女

又

瑪瑙堆盤剝荔枝竹枝琵琶一曲說相思兒女夜涼不用搖

葵扇竹枝只著輕衫一藕絲兒女

臨江仙

三月初三日喜大兒朝礎攜孫至通來迎

面帶紅塵衫帶淚疑從夢裏相逢不須信字亟開封平
安堆同竹荒廢尚非松 來往雲山幾萬里衣經慈母
親縫從今歸去作山儂孫兒如犢健老子未能鍾

浪淘沙

三月十八日移居吳宅紀夢

無意理絲桐人困東風窻前又見月朦朧夢裏渾忘身
作客只似家中 幸有主人翁花滿簾櫳酒興不如歸
興濃雨已辭雲雲更遠回首千重

小重山

選得幽居聊避譁槐陰深碧處是誰家朱扉翠箔綠窻
沙人聲悄燈下按琵琶 恨煞送枝鴉不知心裏事苦

童山詩集

付笑下

蠡翁詞下

呀呀隔簾又見月痕斜魂銷也一曲後庭花

阮郎歸

鳳衾鸞枕似當初郎心恨不如去年猶有數行書今春書亦疎眉倦畫髻慵梳愁懷不自書消愁有酒祇成虛那堪和酒無

減字木蘭花

涿州店中記所見

雙鬟覆額小小楚腰裙袂窄只在牆邊望斷桃花洞口泉喚人倦問翩若驚鴻終不近底事風狂爲見喬家小窈娘

菩薩蠻

天晴四野烟光媚兩行柳色濃陰翠麥浪不多翻趁人蜂尚喧野翁溪上住繞舍桃花樹疑有武林春更無人問津

水調歌頭

送陳韞山任永定河道之任

無笑白圭治天子重河防驚聞九重舞鳳下詔簡賢良百里潞河風快千里渾河浪湧喜氣共洋洋賈讓疏宜上平當策尤長昨陳來今李去後先望黃鷄白酒吾正歸興動家鄉一處朝朝相聚兩處悠悠相憶兒女况成行勲業看廊廟踪跡隔滄浪

水龍吟

決計歸山

男兒奮翅一封侯萬里平生意一朝歛縮功名豪興
付之流水匣裏龍泉枕中鴻寶總歸拋廢看擁書萬卷
酒經茶傳閑來讀無窮味杜甫草堂深處想洗花風
流未墜楹林籠竹直須縛茅廬傍寺犀浦晴烟鷄坊

晚雨足供詩思倘逢李八百相期汗漫話烟霞事

西河 乙巳三月二十九日贈沈老

蕉窓外朦朧一聲啼鳥何人攜榼款吾門隔墻沈老酒
闌多慨聽清談慙慙留語真好 問君去何太矯歲寒
漸看生春草平陂往覆理當然何爲苦惱請看巧宦勢
熏天羸飢何似肥飽 田園歸計直須早在家縱貧亦

男兒奮翅 付從萬里平生意 一朝欲縮功名象

付之流水 匣裏龍泉枕中鴻 寶總歸拋廢看 排書萬卷

酒經茶傳 閑來讀無窮味 社甫草堂 溪處想沈花風

流木墜楹 林籠竹直須總 翠應傍寺 犀浦晴烟鷄坊

晚雨足供 詩思儘逢 李八百 相期汗漫 話烟霞事

西河 乙巳三月二十九日贈沈老

蕉窓外 朦朧一聲啼鳥 何人攜榼 欵吾門 隔墻沈老酒

闌多 慨聽清談 慙慙留語 真好 問君去何 太矯 歲寒

漸看 生春草 平陂往覆 理當然 何為苦 惱請看 巧宦勢

燕天 羸飢何似 肥飽 田園歸計 直須早 在家 縱貧亦

